

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA: 4(B)(XXIII)3

**SOALAN BERTULIS OLEH AHLI KAWASAN SUNGAI BAKAP
YB. DR. AMAR PRITPAL BIN ABDULLAH**

3. Berlaku masalah kesesakan lalu lintas terutama dari kawasan Sungai Bakap ke Bukit Tambun pada waktu puncak yang telah menyusahkan banyak pihak.
- (a) Apakah dan bilakah tindakan yang boleh diambil oleh pihak Kerajaan Tempatan dan Jabatan Kerja Raya (JKR) untuk mengatasi masalah ini?

JAWAPAN OLEH Y.A.B. KETUA MENTERI

3. Pihak Kerajaan Negeri amat prihatin dengan masalah kesesakan lalu lintas terutama pada waktu puncak dari kawasan Sungai Bakap ke Bukit Tambun yang telah menyebabkan kesulitan kepada ramai pihak. Melalui Jabatan Kerja Raya (JKR), beberapa tindakan telah diambil bagi mengatasi masalah kesesakan lalu lintas tersebut seperti:-
- (a) JKR telah memperkenalkan laluan alternatif dari Valdor ke Batu Kawan atau Jambatan Ke-2 Pulau Pinang. Laluan ini masih di peringkat pembinaan di bawah kelolaan *Penang Development Corporation (PDC)* dan dijangka siap pada pertengahan tahun 2019. Sekiranya laluan ini telah siap dibina, dijangka akan dapat mengurangkan kesesakan lalu lintas di laluan ke Batu Kawan dan Jambatan Ke-2 Pulau Pinang. Ini kerana terdapat laluan alternatif ke laluan utama

tersebut melalui *exit* tol Bandar Cassia, selain Tol Bukit Tambun (Barat & Timur).

- (b) Projek pelebaran laluan persekutuan (FT001) juga sedang dilaksanakan dan dijangka siap pada Disember 2020. Pelebaran jalan ini akan melebarkan jalan dari dua (2) lorong dua (2) hala kepada empat (4) hala. Laluan ini melibatkan kawasan Valdor ke persimpangan Jalan Paboi (FT150).